

漢魏六朝百三家集

欽定四庫全書薈要

吉林出版集團有限責任公司
海 天 出 版 社

欽定四庫全書薈要

集部
總集類

吉林出版集團有限責任公司
海天出版社





目次

書名	卷次	頁次	作者
漢魏六朝百三家集	卷五〇—卷七六		明·張溥編
卷五〇		四七〇—一	
陸雲集		四七〇—五一	
卷五一			
陸雲集		四七〇—六五	
卷五二			
成公綏集		四七〇—七六	
卷五三			
張載集		四七〇—八三	
卷五四			
張協集		四七〇—九三	
卷五五			
劉琨集		四七〇—一〇五	
卷五六			
郭璞集			

書

名

卷

次

頁

次

作

者

卷五七

郭璞集

卷五八

王羲之集

卷五九

王羲之集

卷六〇

王獻之集

卷六一

孫綽集

卷六二

陶淵明集

卷六三

何承天集

卷六四

傅亮集

卷六五

謝靈運集

四七〇——一九

四七〇——五一

四七〇——七二

四七〇——二三

四七〇——三六

四七〇——五一

四七〇——八五

四七〇——〇八

四七〇——二五

書名	卷次	頁次	作者
卷六六 謝靈運集		四七〇—三六二	
卷六七 顏延之集		四七〇—三八〇	
卷六八 鮑照集		四七〇—四一三	
卷六九 鮑照集		四七〇—四三〇	
卷七〇 袁淑集		四七〇—四五九	
卷七一 謝惠連集		四七〇—四六五	
卷七二 謝莊集		四七〇—四七五	
卷七三 蕭子良集		四七〇—四九四	
卷七四 蕭子良集		四七〇—五〇五	

卷七五
王儉集
卷七六
王融集

書

名

卷

次

頁

次

作

者

四七〇—五三五

四七〇—五五八

欽定四庫全書薈要

集部
漢魏六朝百三家集卷五十

欽定四庫全書薈要卷一萬九千六百三十九集部

漢魏六朝百三家集卷五十

明 張溥 輯

陸雲集

賦

南征賦 有序

太安二年秋八月奸臣羊玄之皇甫商敢行稱亂凌逼

乘輿天子蒙塵于外自秋徂冬大將軍敷命羣后同恤

欽定四庫全書

漢魏六朝百三家集
卷五十

一

社稷乃身統三軍以謀國難自義聲所及四海之內朔

漠之表蒸徒羸糧而請奮胡馬款塞而思征四方之會

衆以百萬軍旅之盛威靈之著自古已來未之有也粵

十月軍次于朝歌講武治戎以觀兵于殷墟於是美義

征之舉壯師徒之盛乃作南征賦以揚匡霸之勲云爾

有皇晉之霸后資濬哲之獻聖崇文德於緝熙濟武功

而保定應天鑒之昭華荷帝祐之休命步玉衡以觀八

方在璇璣而齊七政芒芒神道化洽崇深仰戾天飛俯

詳校官候選知縣 吳甸華

洞淵沈振南箕以鼓物冒慶雲而崇陰恢天維以籠世
廓宇宙而宅心濟博施之厚德鏗希聲之大音淵澤回
而並注豪彥萃而為林九服惟清諸夏謐靜肅慎回首
沙漠引領天和時降地靈夙挺結芳林之奇幹發珍禾
之神穎勵修德於億兆端澄形於萬景在中葉之不競
遭皇家之毒亂悲國步之未夷仰夙興而昧旦括無方
而大誥集率土而貞觀致天屬於王畿肅宵征而省難
爾乃建黃鉞之靈威樹戎輅之高蓋伐隱天之雷鼓振
凌霄之電旆介夫揮戈而夙興武臣總干而啓邁振靈
韶之嘈嘈飛旗旒之藹藹虹旃沂風以委蛇霓旌蒙光
而容裔公徒十萬其會雲興悠悠華戎時罔丕承爾乃
命屏翳以夕降式飛廉以朝升塗蒙雨而復清景帶天
而光澄陪武臣於雕軒列名僚於後乘猛將起而虎嘯
商飈肅其來應士憑威而響駭馬歛天而景凌臨川屯
於廣陸武騎被乎中陵類禡比京師徒經始桓桓先征
在河之浹順彼長道懸旌千里義王師之遵時茂七德

欽定四庫全書

漢魏六朝百三家集
卷五十

三

而發止爾乃稅駕殷墟我徒既閑順時講武薄狩于原
紛同方而類聚煥副翼而明分祗明刑以誓衆習軍政
於舊聞嚴山立以崇薈聚烟駭而興紛若溟海之引回
流岱靈之吐行雲于時玄冬首時陰風戒然山澤含哀
天地肅入間夜列以澄清中原曠而曖昧戎士肅而咸
戒三軍紛而雜還長角哀叫以命旅金鼓隱訇而啓伐
景凌冥而四播音乘雲而上逝火烈具舉伐鼓淵淵朱
光俛而丹野炎暉仰而絳天曜靈翕赫以增熾憤氣拂
悅而凌煙狂飈起而妄駭行雲藹而芊眠旌旆翻其猗
靡驚嫖因而嬋娟爾乃洪音雷動清聞尅廣凌雲發揮
萬里振響聲馮虛而天回烈駭空而地蕩映皎月而望
舒闇照重昏而大夜朗服縣炎揚而晃儵飛烽戢煜而
決潏乃有熊羆之旅虓闕之將雄聲泉湧逸氣風亮超
三軍以奔厲賈餘勇而成壯兆洪音於寂漠先無形而
高唱紛若屯雲渙若積波適陰匿景靜言勿譁絕倡寂
其既收萬夫翕而咸和嚴鼓隱而重戒景燧燁而星羅

欽定四庫全書

漢魏六朝百三家集
卷五十

三

烈蒙陰而仰假曜憑陽而登遐若扶桑之振華葉皓天之散朝霞起燭龍之絕景豈比象於百華

登臺賦

有序

永靈中參天府之佐於鄴都以時事巡行鄴宮三臺登高有感因以言崇替乃作賦云

承后皇之嘉惠兮翼聖宰之威靈肅言詞而述業兮乃啓行乎北京巡華室以周流兮登崇臺而上征攀凌砥而遂躋兮迄雲閣而少寧爾乃佇眄瑤軒滿目綺寮中

欽定四庫全書

漢魏六朝百三家集
卷五十

四

原方華綠葉振翹嘉生民之亶亶兮望天晷之苕苕厯玉階而容與兮憇蘭堂以逍遙蒙紫庭之芳塵兮駭洞房之迴飈頽嚮逝而忤物兮傾冠舉而凌霄曲房縈而窈眇兮長廊邈而蕭條於是迥路逶夷邃宇玄芒深堂百室曾臺十房闢南牕而蒙暑兮啓朔牖而履霜遊陽堂而冬溫兮步陰房而夏涼萬禽委地於潛室兮驚風矯翼而來翔紛譎譎於有象兮邈悠忽而無方于時南正司火朱明鬱遂縣車式徐曜靈西陸暑乘陰而增炎

兮景望淵而曖昧玩瓊宇而情虧兮覽八方而思銳陋雨館之常規兮鄙鳴鵠之蔽節仰凌眇於天庭兮俛旁觀乎萬類北溟浩以揚波兮青林煥其興蔚扶桑細於毫末兮崑崙卑乎覆簣於是忽焉俯仰天地既翕宇宙同區萬物為一原千變之常鈞兮齊億載於今日彼區中之側陋兮非吾黨之一室本達觀於無形兮今何求而有質於是聊樂近遊薄言儻佯朝登金虎夕步文昌綺䟽列於東序朱戶立乎西廂經綈曄以披藻兮椒塗

欽定四庫全書

漢魏六朝百三家集
卷五十

五

馥而遺芳感舊物之咸存兮悲昔人之云亡憑虛檻而遠想兮審歷命於斯堂於是精疲遊倦白日藏輝鄙春登之有情兮惡荆臺之忘歸聊弭節而駕言兮悵將逝而徘徊感崇替之靡常兮悟廢興而永懷隆期啓而雲升逝運靡其如頽長發惟祥天鑒在晉肅有命而龍飛兮跼重斯而肇建嘉有魏之欽若兮鑒靈符而告禪清文昌之離宮兮虛紫微而為獻委晉天之光宅兮質率土之黎彥欽哉皇之承天兮集北顧於乃眷誕洪祚之

遠期兮則斯年於有萬

愁霖賦 有序

永寧三年夏六月鄴都大霖旬有奇日稼穡沈湮生民
愁瘁時天雅之士煥然並作同僚見命乃作賦曰

在朱明之季月兮反極陽於重陰興介丘之膚寸兮墜
崩雲而洪沈谷風扇而攸遂兮苦雨播而成淫天決滂
以懷慘兮民嘯感而愁霖於是天地發揮陰陽交烈萬
物混而同波兮玄黃浩其無質雷憑虛以振庭兮電凌

欽定四庫全書

漢魏六朝百三家集
卷五十

六

牖而輝室雷鼎沸以駿奔兮潦風驅而競疾豈南山之
暴濟兮將冥海之變溢隱隱填填若降自天高岸渙其
無涯兮平原蕩而為淵遵渚回於凌河兮黍稷仆於中
田置多稼於億康兮虛夙敬於祈年外薄郊甸內荒都
城陰無晞景雷無輟聲纖波靡於前途兮微津隔於峻
庭紛雲擾而霧塞兮漫天頽而地盈於是愁音比屋歎
發屢省陽堂之暉朗室無景望曾雲之萬仞兮想白日
之寸脛感虛無而思深兮對寂寞而言靖毒甚雨之未

漢魏六朝百三家集 一一〇四

晞兮悲夏日之方永瞻大辰以頽息兮仰天衢而引領
愁情沉疾明發哀吟永言有懷感物傷心結南枝之舊
思兮詠莊舄之遺音羨并彼之歸飛兮寄予思乎江陰
渺天末以流目兮涕潺湲而沾襟何人生之倏忽痛存
亡之無期方千歲於天壤兮吾固已陋夫靈龜矧百年
之促節兮又莫登乎期頤哀戚容之易感兮悲懼顏之
難怡考傷懷於衆苦兮愁豈霖之足悲雲曇曇而疊結
兮雨淫淫而未散晞朱陽於崇朝兮悲此日之屢晏劾
豐隆於岳陽兮執赤松於神館命雲師以藏用兮絕乘
龍於河漢照蒙汜之清暉兮炳扶桑之始旦考幽明於
人神兮妙萬物以達觀

喜霽賦 有序

余既作愁霖賦雨亦霽昔魏之文士又作喜霽賦聊廁
作者之末而作是賦焉

毒霖雨之掩時兮情懷憤而無懌肅有禱於人謀兮反
極陰于天津靖屏翳之洪隄兮戢太山之觸石凌風絕

欽定四庫全書

漢魏六朝百三家集
卷五十

七

而謚寧兮歸雲反而揮霍改望舒之離畢兮曜六龍於
紫閣揚天步之剡剡兮播靈輝之赫奕於是朱明自皓
凱風來南復火正之舊司兮黜后土於重陰夷中原之
多潦兮反高岸於嵩岑萎禾竦而振穎兮偃木豎而成
林嘉大田之未墜兮幸神祇之有歆爾乃俯順習坎仰
熾重離兼明暢而天地睦兮羣生悅而萬物齊魚凌淵
以增躍兮鳥望林而朝濟戢流波於枉水兮起芳塵於
沉泥朱光播於甕牖兮素景衍乎中閨天監作照幽明

欽定四庫全書

漢魏六朝百三家集
卷五十

八

榮之菟菟望王母於弱水兮詠白雲之清歌雖嘉命之
未錫兮將輕舉於流沙振仙車之鳴鸞兮吐玉衡之八
和託芝蓋之後乘兮食瓊林之朝華修無窮以容與兮
豈萬載之足多

歲暮賦

余祇役京邑載離永久永寧二年春忝寵北郡其夏又
轉大將軍右司馬於鄴都自去故鄉荏苒六年惟姑與
姊仍見背棄銜痛萬里哀思傷毒而日月逝速歲聿云

欽定四庫全書

漢魏六朝百三家集
卷五十

九

暮感萬物之既改瞻天地而傷懷乃作賦以言情焉
夫何乾行之變通兮昏明迭而載路羨飛轡之遠御兮
騰六龍於天步時赴節而漸流兮氣移數而改度揮促
節於短日兮振修策於長夜運悠忽其既周兮歲冉冉
而告暮變棘心之柔風兮滋豐草之湛露玄暉邈以峻
服兮黃裳皓而振素於是顓頊御時玄冥統官天廟既
底日月貞觀淪重陽於潛戶兮嚴積陰於司寒日回天
以減景兮飈衝淵而無瀾堅冰涸於川底兮白雪隕於

雲端普區宇之瘁景兮頻萬物之衰顏時凜戾其可悲
兮氣蕭索而傷心淒風愴其鳴條兮落葉翻而灑林獸
藏丘而絕迹兮鳥攀木而栖音山振枯於層嶺兮民懷
慘於重襟寒與暑其代謝兮年冉冉其將老豐頽驟而
朝榮兮玄髮聚其夕皓感芳華之志學兮悲時暮而難
考遠圖逝而辭懷兮密思集而盈抱羨厚德之溥載兮
嘉豐化之大造恨盛來之苦晏兮悲哀至之常蚤指晷
露而怵心兮衍死生於靡草蒙時來之嘉運兮遊上京

欽定四庫全書

漢魏六朝百三家集
卷五十

十

而凱入委乘輅於紫宮兮剖金虎而底邑憑台光之發
暉兮荷寵靈而來集望故疇之迢遼兮沂南風而頽泣
長歎息而永懷兮感逝物而傷悲哀年歲之攸往兮伊
行人之思歸結隆思於朝日兮綴永念於汜暉表寸陰
而貞吝兮盼盈尺其若遺嗟我行之久永兮何歸途之
茫茫遵渚兮盼川攸逝兮江湘處孝敬於神丘兮結祇
慕於惟桑瞻山川而物存兮思六親而人亡問仁姑而
背世兮及伯姊而淪喪尋餘蹤於空宇兮想絕景於遺

堂悲山林之杳藹兮痛華構之丘荒靖深情以遐慕兮
思纏綿而懷楚涕垂頤以交頽兮哀凌心而洞駭神尋
路而窘逝兮形頓感乎其所心悠悠其若懸兮音既絕
而復舉悲人生之有終兮何天造而罔極仰悲谷之方
中兮顧懸車而日昃百年迅於分噓兮千歲疾於一息
詠大椿之萬祀兮同蟪蛄於未識歲難停而易逝兮情
艱多而泰寡年有來而棄于兮時無算而非我祇生心
於日順兮雖呼翁其難假攝僊生於逆旅兮欲淹留其
焉可彼鑒寐之有時兮亦始卒之固然舒遠懷於千載
兮悵同感乎中山鑒通人之炯戒兮懼晏平之達言啓
貞心以自責兮覽遺籍而問道亮爽鳩之既徂兮故營
丘之有紹在吾齊之陋心兮豈取樂於東表苟長生而
自得兮將奚待而有天考大德於天地兮知斯言之益
矯

逸民賦有序

富與貴人之所欲也而古之逸民或輕天下細萬物而

欲專一丘之歡擅一壑之美豈不以身勝於宇宙而心
恬於紛華者哉故天地不易其樂萬物不干其心然後
可以妙有生之極享無疆之休也乃為賦云

世有逸民兮栖遲於一丘委天形之外心兮淡浩然其
何求陋此世之險隘兮又安足以盤遊杖屨策而遂往
兮乃枕石而漱流載營抱魄懷元服一傲物思寧妙世
自逸靜芬響於永言滅絕景於無質相荒土而卜居度
山河而考室曾丘薈薈穹谷重深叢木振穎芻蕘垂陰

欽定四庫全書

漢魏六朝百三家集
卷五十

十三

潛魚泳沚嚶鳥來吟仍蔬圃於芝薄兮即蘭堂於芳林
靡炎飈以赴節兮揮天籟而興音假樂器於神造兮詠
幽人於鳴琴挹迴源於別沼兮食秋菊於高岑蒙玉泉
以濯髮兮臨濬谷而投簪寂然尸居儼焉山立遵渚龍
見在林鳳戢遁綿野以宅心望空巖而凱入明發寤歌
有懷在昔賓濮水之清淵兮儀磻溪之一壑毒萬物之
誼譁兮聊漁釣於此澤爾乃薄言容與式宴盤桓朝挹
芳露夕玩幽蘭眇區外而放志兮眷天路而怡顏望靈

嶽之清景兮想佳人於雲端悲滄浪之濁波兮詠芳池
之清瀾鄙終南之辱節兮矧伯陽之考槃晒清霄以寄
傲兮沂凌風而頽歎玄微載晏何思何欲漂若行雲之
浮泊若窮林之木客有得之必喪兮蓋怙寵之召辱彼
貪夫之死權兮固遺生以要祿疎戰兢而履水兮祇肅
懷以臨谷亮據鼎之無慄兮在顛沛其必渥是故夫形
魂者徵咎體壯者為犧雖明文而龍藻兮終俛首而受
羈立修名於禍始兮登全生於戾階資朝華之促節兮

欽定四庫全書

漢魏六朝百三家集
卷五十

十三

抱千載之長懷擠考終於遠期兮顛靈根而自摧殉有
畏之假樂兮彼無身其孰哀美達人之玄覽兮選藏器
於無為物有自遺道無不可萬殊有同齊物無寡並家
於國等朝於野榮在世而貴身兮神居形而忘我欽鈔
古之達言兮信懷莊而悅賈曾既明於天爵兮何假悲
於人禍陋國風之皇恤同明哲於大雅亂曰乘白駒兮
皎皎遊穹谷兮藹藹尋峻路兮崢嶸臨芳水兮悠喬槃
丘園兮暇豫翳翠葉兮重蓋瞻洪崖兮清輝紛容與兮

雲際欲凌霄兮從之恨穹天兮未泰詠歡友兮清唱和
爾音兮比世

羊腸轉賦

爾乃使熊羆之士施闕之將雄聲泉湧逸氣風亮超三
軍以奔厲賈餘勇以成壯兆洪音於寂寞先元聲而高
唱元兵時紛若屯雲煥若積波授教斯謚靜言勿譁嚴
鼓隱其雷駭萬夫翕其咸和治安步以止立應金奏而
靡戈進總干以乘言退揮旅而星羅及至景凌禮既畢

欽定四庫全書

漢魏六朝百三家集
卷五十

十四

歸旅將振尋縈圓轉因賴蓋旋若疾流之繞駿沈驚颺
之靡狂塵羊腸轉時命屏翳以夕降式飛廉而朝興涂
蒙雨而後清景帶天而先澄陪俊臣於彫輅列名僚於
後乘猛將起而虎嘯商風肅其來應士憑勢而響駭馬
噓天而景凌

舊本混列與兄平
原書中今摘出

寒蟬賦 有序

昔人稱雞有五德而作者賦焉至於寒蟬才齊其美獨
未之思而莫斯述夫頭上有綈則其文也含氣飲露則

其清也泰稷不食則其廉也處不巢居則其儉也應候
守節則其信也加以冠冕則其容也君子則其操可以
事君可以立身豈非至德之蟲哉且攀木寒鳴負才所
歎余昔僑處竊有感焉興賦云爾

伊寒蟬之感運近嘉時以遊征舍二儀之和氣稟乾元
之清靈體真精之淑質吐呼吸之哀聲希慶雲以優遊
遁太陰以自寧於是靈岳幽峻長林參差有蟬集止輕
羽莎佗清徹微激德音孔嘉承南風而軒景附高松之

欽定四庫全書

漢魏六朝百三家集
卷五十

五

上華泰稷惟馨而匪享疎身晞陽乎靈和唳乎其音翩
乎其翔容麗蜩蟬聲美宮商飄如飛鴻之遭驚風眇如
輕雲之麗太陽華靈鳳之羽儀睹皇都乎上京跨天路
於萬里豈蒼蠅之尋常爾乃振修綈以表首舒輕翅而
迅翰挹朝華之墜露含烟煴以夕飡望北林以鸞飛集
樛木以龍蟠彰淵信於嚴時稟清誠乎自然翩眇微妙
綿蠻其形翔林附木一枝不盈豈黃鳥之敢希唯鴻毛
其猶輕憑綠葉之餘光景秋華之方零思鳳居以翹疎

九愍

仰竚立而哀鳴若夫歲聿云暮上天其涼感運悲聲貧士含傷或歌我行永久或詠之子無裳原思嘆於蓬室孤竹吟於首陽不銜子以穢身不動身以營巢志高於鳴鳩節妙乎鳩鵲附枯枝以永處倚瓊林之迥條惟雨雪之霏霏哀北風之颼颼既乃彫以金米圖我嘉容珍景曜爛曄曄華豐奇侔黼黻艷比袞龍清和明潔羣動希蹤爾乃綴以玄冕增成首飾纓綈翩紛九旒容翼映華蟲於朱袞表馨香乎明德於是公侯常伯乃紆紫黻欽定四庫全書
漢魏六朝百三家集
卷五十
六

騷

昔屈原放逐而離騷之辭興自今及古文雅之士莫不以其情而玩其辭而表意焉遂厠作者之末而述九愍裔皇聖之豐祐膺萬乘之多福真龍暉以底載啓元辰而誕育考度中以錫命端嘉令而自肅蘭情馥以芬香瓊懷皎其如玉希千載以遙想昶遠思而自怡範方地而式矩儀穹天而承規結丹欸於璇璣協朱誠於四時咨中心之信修佩日月以為旗悲年歲之晚暮殉修名而競心仰勲華之耿暉詠三辟之遐音握遺芳而自玩挹浩露於蘭林陰雲紛以興靄颼風起而回波黨朋淫以惡美疾傾宮之楊娥樹椒蘭於瑤圃掩夜光於瓊華違貞心以誰忒毀玉質而蒙瑕甘芳言而棄予忽遐放其若遺瞻前軌而我先顧後乘而駕遲遵荒塗而伏軾撫鳴鸞而稱悲感瞻烏之有集嗟離雁之焉歸靜沈思以自瘁願凌雲而高飛

修身

欽定四庫全書

漢魏六朝百三家集
卷五十

七